



**NEGERI PAHANG**

**TAMBAHAN PERUNDANGAN**

**AKTA JALAN, PARIT DAN BANGUNAN 1974**

**Phg. P.U. 12/2000**

**UNDANG-UNDANG KECIL (MENGKOMPAUN KESALAHAN-KESALAHAN) JALAN, PARIT DAN BANGUNAN (MAJLIS DAERAH PEKAN) 2000**

Tarikh penyiaran:

03 Februari 2000

Tarikh mula berkuatkuasa:

01 Januari 1990

---

**SUSUNAN UNDANG-UNDANG KECIL**

---

Mukadimah

Undang-Undang Kecil 1. Nama pemakaian dan mula berkuatkuasa

Undang-Undang Kecil 2. Kesalahan-kesalahan yang boleh dikampaun dan orang-orang yang boleh mengkompau

Undang-Undang Kecil 3. Wang yang dikehendaki dipungut dan cara pembayaran

Undang-Undang Kecil 4. Borang bagi tawaran mengkompau

JADUAL

## **Mukadimah**

Pada menjalankan kuasa yang diberikan oleh seksyen 133 Akta Jalan, Parit dan Bangunan 1974 [Akta 133]. Pihak Berkuasa Negeri membuat undang-undang kecil yang berikut:

### **1. Nama pemakaian dan mula berkuatkuasa**

(1) Undang-undang Kecil ini bolehlah dinamakan **Undang-Undang Kecil (Mengkompaun Kesalahan-Kesalahan) Jalan, Parit dan Bangunan (Majlis Daerah Pekan) 2000** dan hendaklah dipakai hanya bagi kawasan Majlis Daerah Pekan.

(2) Undang-Undang Kecil ini hendaklah disifatkan telah mula berkuat kuasa pada 1 Januari 1990.

### **2. Kesalahan-kesalahan yang boleh dikompaun dan orang-orang yang boleh mengkompaun**

(1) Kesalahan-kesalahan di bawah seksyen-seksyen 29, 30, 31, 34, 38, 39, 40, 41, 52, 55, 56, 57, 58, 70, 72, 76, 78, 79, 80, 82, dan 87 Akta itu boleh dikompaun oleh Yang Dipertua, atau oleh Setiausaha atau mana-mana Pegawai Undang-undang Majlis Daerah Pekan.

(2) Kesalahan-kesalahan yang di bawah seksyen-seksyen 42, 46, 47 dan 85 Akta itu dan yang di bawah mana-mana Undang-Undang Kecil boleh dikompaun oleh mana-mana orang yang disebutkan dalam perenggan (1) atau oleh mana-mana Pembantu Undang-undang atau Pegawai Pendakwa Majlis Daerah Pekan.

### **3. Wang yang dikehendaki dipungut dan cara pembayaran**

(1) Jumlah wang yang dikehendaki dipungut bagi mengkompaun suatu kesalahan tidak boleh lebih daripada lima ratus ringgit, jika kesalahan itu adalah di bawah Akta itu, atau tidak boleh lebih daripada dua ratus lima puluh ringgit, jika kesalahan itu adalah di bawah suatu undang-undang kecil.

(2) Pembayaran wang itu mestilah dibuat dengan wang tunai atau dengan kiriman wang, wang pos, pesanan juruwang, pesanan bank atau draf bank yang dibuat untuk dibayar kepada Yang Dipertua Majlis Daerah Pekan dan dipalang dengan perkataan "Akaun Penerima Sahaja".

(3) Bayaran bolehlah diserahkan dengan sendirinya kepada orang yang membuat tawaran mengkompaun, tetapi jika bayaran dihantar melalui pos, ianya mestilah dialamatkan kepada Yang Dipertua Majlis Daerah Pekan.

(4) Tiap-tiap bayaran yang diterima mestilah dikira sebagai wang kepunyaan Majlis Daerah Pekan dan suatu resit rasmi mestilah dikeluarkan baginya kepada orang yang telah diberi tawaran mengkompaun itu.

### **4. Borang bagi tawaran mengkompaun**

Borang dalam Jadual mestilah digunakan bagi membuat suatu tawaran mengkompaun tetapi boleh diubahsuai sebagaimana yang perlu:

**JADUAL**

(Undang-undang Kecil 4)

**TAWARAN MENKOMPON SUATU KESALAHAN**

Kepada:

.....  
.....

Tuan/Puan,

Rujukan:.....

Menurut maklumat/aduan yang diterima, saya berpendapat bahawa tuan/puan telah melakukan kesalahan yang berikut:

Peruntukan undang-undang yang berkaitan .....,

Tarikh ..... Waktu .....

Tempat .....

Butir-butir kesalahan .....

.....  
.....

2. Tuan/puan adalah dengan ini dimaklumkan bahawa menurut kuasa yang diberi kepada saya oleh Undang-undang Kecil (Mengkompaun Kesalahan-kesalahan) Jalan, Parit dan Bangunan (Majlis Daerah Pekan) 2000 saya bersedia, dan dengan ini menawarkan, untuk mengkompaun kesalahan itu dengan bayaran wang sebanyak RM ..... (Ringgit.....)

Jika tawaran ini diterima, pembayaran mestilah dibuat dengan wang tunai, atau dengan kiriman wang, wang pos, pesanan juruwang, pesanan bank atau draf bank yang dibuat untuk dibayar kepada Yang Dipertua Majlis Daerah Pekan dan dipalang dengan perkataan "Akaun Penerima Sahaja" dan boleh diserahkan dengan sendiri kepada saya di alamat yang berikut .....

Pembayaran melalui pos mestilah dialamatkan kepada Yang Dipertua Majlis Daerah Pekan. Suatu resit rasmi akan dikeluarkan apabila dibayar.

3. Tawaran ini akan habis tempoh pada .....

Jika pembayaran penuh jumlah wang yang dinyatakan di atas diterima pada atau sebelum penutupan urusan pada tarikh tersebut tiada apa-apa langkah pembicaraan selanjutnya akan diambil terhadap tuan/puan berhubung dengan kesalahan itu. Jika tidak, langkah-langkah akan diambil bagi menjalankan pendakwaan tanpa notis selanjutnya.

Bertarikh pada ..... haribulan ..... 19.....

(Hendaklah ditandatangani oleh orang yang diberikuasa mengkompaun yang nama-nama dan jawatannya mestilah dinyatakan di bawah tandatangannya)

Yang Dipertua,  
Majlis Daerah Pekan,  
Pekan

Saya merujuk kepada tawaran mengkompaun suatu kesalahan di bawah rujukan .....  
dan bertarikh ..... saya terima tawaran itu dan sertakan bersama ini  
wang/kiriman wang/ wang pos/ pesanan juruwang/ pesanan bank/ draf bank No. ....  
bagi sebanyak RM ..... bagi menjelaskan kompaun itu.

Tandatangan .....  
Nama (Huruf Besar) .....  
.....  
Alamat .....  
.....

Tarikh .....

Diperbuat 28 Disember 1994.

ABDUL MALEK B. HAJI ABDUL MAJID,  
*Yang Dipertua,*  
*Majlis Daerah Pekan*

Disahkan 19 Januari 1995.  
[SUK. Phg. (KT) 5656 SJ. 1]

MOHD NOOR BIN ABDUL RANI,  
*Setiausaha*  
*Majlis Mesyuarat Kerajaan,*  
*Pahang*